

《勞動者之靈》

王創興

角色：

初起（主角）

祖兒（主角女兒）

王造財（集團經理）

岳仁（管工）

安叔（地盤工人）

居老弟（地盤工人）

樂仔（地盤工人）

陳太（議員夫人）

陳小明（陳太子）

第一幕

時：1998 年元旦前夕

景：岳靈大樓

王造財到達岳靈大樓後，看到了等候已久的岳仁，前往跟他寒暄一番。

岳 仁：咦！恭喜恭喜！王經理大駕光臨呢！

王造財：（從西裝襖裏洒出了「利事」，傲慢地呈給岳仁，容光煥發的道）岳管工！王某只不過係一個少少既科長，幾時做左經理呀？

岳 仁：（故作笑面地）哎唷！王經理真係謙虛呢！呢座岳靈樓全靠你既本事先至起好咋！多得你英明既決策，換左 D 平既……（看見王造財面色一沈，厲眼瞪他）哈！董事長起大樓東閣等你主持大樓落成儀式，經理一職非你莫屬！

王造財：（整理衣領，嚴肅地）董事長？果個死老鬼都離咗？哼！記住換鋼根既事你唔好講！

岳 仁：係既經理！

二人往東閣步去，途中王造財不屑地說：死老鬼丫！屋企得我一個獨仔，莫講話經理，董事長個位遲早由我黎坐！哈哈！

第二幕

時：早上九點

景：某地盤

地盤裏傳出了裂地的轟鳴，一班建築工人汗如馬不停蹄般滾下地工作，塵土飛揚，震聲裂地。衣服皆已汗濕。初起，居老弟，樂仔皆帶上口罩。樂仔搬運著沉重的載泥背包，安叔彎下身軀在調較著混凝土，居老弟架起木梯在漆油。

安 叔：（正在攢地，並不停地掩口咳嗽）...咳咳.....咳咳.....（手中攢地機幾經從手差點兒掉下，人已咳得滿臉泛紅）

這時集團經理王造財及岳管工監察工人運作，巡視到來。

樂 仔：咦！果邊果位咪係殺人王！喂喂！（見狀喊叫）殺人王黎喇！

話畢，眾工人繼續工作，只有安叔在咳，身體虛弱，帶病在身。

安 叔：咳咳.....咳咳.....（這時，王造財看他不對眼，用手指著初起，又在岳管工耳邊說了幾句）

岳管工：（對初起說）喂喂！你做乜仲唔快 d 開工？係咪想唔撈？！

安 叔：咳咳.....我唔係想唔撈.....咳咳.....我.....

岳管工：唔係就快 d 滾返去繼續做你既野！

安 叔：（強忍咳嗽）咳.....我做！我做！咳.....（繼續工作）

這時，由於地盤煙塵四起，王造財用手不斷撥風，一面掩口。

王造財：你地聽住！個個都聽住！個工程要起今個星期內完成！如果唔係你地個個唔駛指意有糧出！

初起首先發難。

初 起：有冇搞錯呀！個工程一開始話係有三個月，結果得返兩個月做。我地班兄弟做咗成個幾月喇！糧都未出比我地喎！宜家又要迫我地趕工？！

樂 仔：係呀！你地合約明明寫每個月人工有三千蚊，實際出得千八蚊，但係到宜家都未比喎！你地究竟想拖到幾時呀？

王造財：你如果係唔滿意既，可以辭職唔做，公司有大把人要養！少你一個我唔在乎！出糧既問題好快就可以解決.....今個星期包有糧出啦！你再唔做架話，我即刻出糧炒你！

居老弟：安叔！唔好同 d 二世祖”咬”喇！你睇呀初起佢！口罩都唔捨得買呀！做到病，病咗仲繼續做呀！我地就做埋呢個星期等出左糧先算啦。

初 起：哼！（無奈地繼續工作）

王造財：岳管工！

岳管工：係！（摧眉折腰地）

王造財：你好好同我睇住佢地，邊個偷懶既就扣佢人工！唔滿意既就叫佢扯！上個月既糧我會返公司處理，你地繼續做，糧自然會出！

岳管工：係既！經理。（目送王造財離去）

王造財離開後，初起越來越不適，不支倒地！在旁工作的樂仔見狀。

樂仔：咦！初起！喂喂！初起！（前去搖初起，試探反應，隨即大叫）喂喂！呢度有人暈咗呀！有人暈咗呀！

眾人忙放下工作看安叔。

初起，居老弟：安叔佢點呀？

安叔：（衰弱地）.....我有事.....我可以繼續做架.....我要做.....（欲起來工作，但差點又跌倒）

岳管工：喂喂！一個二個快 d 去做你地既野！安叔！呢度唔駛你架喇！你可以執埋 d 野！扯！

居老弟：岳管工！今次我老居都睇唔過眼喇！你明知佢病架啦！仲要催佢做！你記唔記得初起以前點幫你，你至有今日既管工做架？大不了我地全部唔撈！（初起，樂仔響應）睇你點交代！

岳管工：（狀有愧色，不情願地）好啦！當我做個人情，俾你休息十五分鐘。其他人繼續做野！

第三幕

時：下午（午飯時間）

地：地盤某角落

眾工人在地盤一角吃著午飯盒。

初起：安叔！你好 d 嘛？我手頭上有樽藥油，你拎去渣下啦！渣咗會冇咁辛苦！

安叔：唔該呀初起！

初起：哼！果個咁既二世祖！恃住屋企有錢就扮晒野！我實在睇唔過眼！

居老弟：鬼叫佢生得命好！人地就係有錢呀！不過佢老豆以前都只不過又係地盤佬一個，起地盤果度搵飯食。唉！估唔到個仔會咁對待返 d 工人。敗家仔一名！

樂仔：我地呀岳管工以前咪又係一樣！同我地稱兄道弟，好喇！宜家做咗管工喇！仲邊會當我地係兄弟丫！

初起：我就瞪呀初起唔抵喇！呢度做野最勤力既係佢，死掙死抵，工作超時又有怨言，功勞就比晒個衰仔！咩岳管工呀！叫惡管工就差唔多！家吓惡人當道架喇！

岳管工：（突然出現）好一個惡人當道呀！初起你都一把年紀架啦，仲咁好火氣呀！

初起：哼！唔駛你咁好心！

岳管工：我睇你地一定係食飽冇野做定喇！起度咁多野講仲唔快 d 去開工？！眾人雖不滿，唯有去工作。

樂仔：反骨仔.....（故意在岳管工面前說，然後前去工作）

岳管工：呢個世界錢同地位至係實際，你地班人頭豬腦就淨係識得做，做到晚都係得果雞粹咁多。兄弟喎！值得幾個錢呢？夠唔夠你食一世呀？香港地話就話遍地黃金，但係你唔搶，人地都會搶啦！我知架！你地不孺都有將我呢個管工放在眼內架啦！（點上香煙，吸了一口）

初起：我呸！為左錢，你連兄弟都出賣！你忘記當日你起鄉下落到香港，冇錢冇物，係邊個借錢你洗，又介紹你起呢行搵飯食架？！你唔好忘記你只不過係個跟班，仲要係跟住個二世祖既跟尾狗咋！

安叔：算啦初起！大家都係兄弟！唔好再嗌啦！我地最緊要就係做好我地既工作，只要每一戶人都住起我地起好既屋，安安樂樂咁生活，我就已經覺得好安樂喇！雖然我地係窮，無錢！仲要餐餐都係咁平價既油雞飯，不過我地窮得開心。對社會做出貢獻，係社會重要既人物（身體高大了=崇高）李家誠間屋都起我地有分起既！仲唔巴閉咩！哈哈！

樂仔：我寧願餓死，做返個行得正企得正，腳踏實地既基層工人都好過做隻跟尾狗呀！

居老弟，樂仔：講得好！

岳管工：你.....（怒火沖霄）你地班白痴！我就睇你可以捱幾耐！（一拳正要打向初起，初起避過，還他一拳.安叔見狀即阻止.糾纏間，岳管工一拳，初起一拳恰恰擊中夾在中間的安叔的面部）

安 叔：哎呀！（作倒下狀，被樂仔及時扶住）

岳管工：可惡！算你個好采.....

初 起：哎呀！對唔住呀！安叔！你有冇事呀？！

安 叔：（疼痛的樣子）哎唷！好痛！我有乜野.....

這時，初起的手提響了起來.初起從腰袋裏拿出電話準備接聽.

初 起：（接過手提後）喂！搵邊位呀？！.....咩話？！祖兒喺學校打架？！好好好！我即刻黎！

居老弟：初起！你個女好乖個啫？我相信佢唔會同人打架既？究竟發生咩事呀？

初 起：（焦急地）我都想知呀！（準備離去途中）

岳管工：喂！

初 起：（明白管工意思）今日既工錢照扣冇所謂！（迅即離開跑去學校）

第四幕

時：下午

地：學校

老師正在教訓祖兒及某位男同學.男同學的家長陪同在男同學傍.

老 師：王祖兒！你究竟知唔知咁做係唔岩架！

祖 兒：（不滿地叫）唔知！！！！（撓起雙手於胸前）

老 師：（憤怒地）你！...（剛巧初起趕進）

初 起：祖兒！（身水身汗地）嘿.....嘿.....嘿.....嘿.....

老 師：王生！你黎得岩喇！令尊今日起學校既行為令我地感到遺憾.....（被初起打斷說話）

初 起：老師！我個女好乖架！嘿.....嘿.....佢唔會同人打架我相信！嘿.....嘿.....（不夠氣繼續說）

陳 太：哼！哩位呀生！說話就唔係咁講喇！你個女爪傷咗我個仔呀！（提起男孩的手臂）你睇！成隻手都傷晒呀！陰公！唔該你好好咁管教下你個女啦！

初 起：（看到男同學手臂）下？！又真係損咗喎！祖兒！係咪你真係爪傷佢既？！

祖 兒：做咩喎！係呀！係我爪佢既！明明佢唔岩先架！

男同學：你個白痴妹丫！（向初起由下而上，上而下地打量）同你老豆一樣咁污糟呀！我有講錯呀！仲爪人添！

老 師：陳小明.....（老師欲對男同學剛才的說話作出訓導，怎料已被初起搶先說話了）

初 起：你講乜野話？人仔細細講野咁冇禮貌既？

陳小明：（頑皮地）我講廣東話呀！污糟佬！我爸爸就唔同啦！係個區議員，點都好過你呢個污糟佬啦！

初 起：（大怒指著他）哼！死肥仔咁拽丫那！（伸手欲打，男同學嚇得退至母親背後掩護）

陳 太：喂！你想點呀！唔該縮開你隻臭手呀！（指著初起如開著關機槍地

轟) 哼！你倆父女都係一淡擔架！唔怪得知個女咁野蠻啦！原來個老豆仲！野蠻！真係有其父必有其女呀！睇你唔方有爺生就有”那”教喇！（老師欲說話阻止戰事，初起給罵得連連後退）

老 師：陳太！.....（阻止失敗，陳太仍然機關地轟，只好表示無奈）

陳 太：你睇下你丫！你地 d 咁既泥工佬對社會一 d 貢獻都有呀！簡直就係垃圾，社會既寄生蟲！我老公係議員黎架！為呢個區同埋你地班所謂既基層工人爭取咗幾多福利呀！你個女跟住你都唔方會好得去邊啦！因住第日冇人娶呀！（初起已退至捱著牆壁）

初 起：.....（初起看了一下女兒，原來的盛氣一下子消沉了，望著地下垂頭喪氣）

祖 兒：（挺身而出）你講夠未呀！死肥婆！唔該你節省 d 啦！乜你講野咁冇品架！簡直同你個仔一淡擔呀！睇你都係更年期復法架喇！唔該你照下你自己個樣啦！大熱天時仲著住件貂皮，不知所謂！個妝又化到鬼咁白，額頭又有幾條魚美紋，好心你日頭就唔好出街啦！仲等我以為日頭撞鬼添呀！

陳 太：你！...你！...（指著祖兒退後幾步，嚇得迅即又摸著額和面，恐怕又多了皺紋）

老 師：兩位家長唔好再”咬”喇！呀.....我睇小明抓傷左需要返屋企休息下架喇，麻煩陳太送貴子弟返屋企先.....至於祖兒就交俾校方處理啦！

祖 兒：（面向陳太和小明裝鬼臉）哼！我地走！（牽著父手走）

第五幕

時：黃昏入黑

地：回家途中

倆父女在返家途中，女兒雖牽著父走，卻默言無語.途經一家大排檔，初起最終先開口對女兒說話.

初 起：女.....（懦弱地）

祖 兒：呀？！（目光注視著初起）

初 起：（不敢面對女兒目光）你肚餓嘛？呀.....我地今晚去你最鍾意既大排檔食，好唔好？

祖 兒：（雙眼通紅，鼻子一酸，淚水就滾燙地流下）好！.....嗚嗚.....
（頭伏在父身上哭起來）嗚嗚.....我就知道只有爸爸對我好.....（鼻子嗚咽著，望著父親）爸爸.....對不起.....

另一方面，此時，工人安叔，居老弟及樂仔放工剛巧在前往大排檔途中看見初起父女.

樂 仔：咦！果個係咪初起同埋佢個女？

居老弟：係喎！我地去睇下做咩事啦！（三人站在一旁觀看父女對話）

初 起：（眼紅紅，手安撫著飲泣的女兒）傻女！唔好喊！係爸爸對你唔住，我真係冇本事做你爸爸！你媽媽.....（痛苦地繼續）嫌我窮！淨返我地倆父女相依為命.....人地 d 子女有靚衫著，有好飯餸.....但係爸爸咩好既都俾唔到你.....我.....實在係愧做你既爸爸！（老淚縱橫）

祖 兒：唔係！（抱緊父親）起我既心目中，你永遠都係我既好爸爸！

初 起：呀女！.....（父女二人相擁大哭）

安 叔：（打圓場）好咯！好咯！倆父女咁好起度唔捨得走呀！天都黑晒咯！

居老弟：如果我有個咁孝順既女就好咯！

樂 仔：（對著居老弟扮作祖兒說）唔係！（抱緊居老弟）起我既心目中，你永遠都係我既好爸爸！爸爸呀！

父女二人看到樂仔的表演後，迅即大笑起來.

祖 兒：（害羞地）人地邊有講得咁咩喎.....

眾人：哈哈！

樂仔：大家咁開心，快d叫野食啦！伙記！

伙記：係！請問要咩呢？

樂仔：黎個雜錦煲啦！

伙記：好既！

眾人在閒聊，一會兒上菜，祖兒從雜菜煲中夾起了不少餸菜。

祖兒：（送到父親碗裏）爸爸你既！

初起：（亦從煲裏夾起不少餸菜給女兒）乖喇！呀女！你都要食多d呀！

樂仔：喂喂！你地兩父女有來有往咁，煲野好快冇晒！仲唔快d食！

第六幕

時：早上

地：岳靈大樓

幾個工人在拆卸大樓，而大樓是有名的岳靈大廈……

安叔：咩話？有冇搞錯架！呢座岳靈樓真係要拆？

樂仔：係無錯架！岳管工正話講係公司既新工程。你咁緊張做咩呀？拆呢座岳靈樓有咩問題？

居老弟：唉！後生仔！你就唔知咁多喇！喺起呢座岳靈樓既時候已經發生過好多次意外，傳說仲話經常有住戶聽到當年意外中死去既工人慘叫，所以岳靈樓又叫做惡靈樓。

一陣寒風吹過，三人都感到顫抖。

樂 仔：（膊頭上被（初起）手拍了一下）嘩！！鬼呀！

初 起：哈哈！你地咪咁生人唔生膽啦！宜家日光日白呀！

樂 仔：哎呀！差 d 俾你嚇死呀！

初 起：咪咁疑神疑鬼啦！岳管工起邊呀？

岳管工：我起度！咩事呀初起？

初 起：岳管工！d 勞工手套（暫定）唔夠呀！班兄弟唔夠用架！仲有冇呀？

岳管工：冇喎！要既就自己去買返黎用住先啦！

初 起：好啦！咁去買啦！（離去）

岳管工：好！你地做住先！好快會有手套！

當初起離開了地盤後，地盤內隨即發出了猛烈的巨響.初起回過頭看大樓時，只見整座大樓如山洪爆發般傾瀉下來，瓦礫都從天上飛散下來.....

不一會，警察及消防員接報到場維持秩序及搬運瓦礫.

初 起：（拚命地挖瓦礫）安叔！居老弟！樂仔呀！！你地聽唔聽到呀？！安叔、樂仔！

警 察：呢位先生？！

初 起：（沒理會，繼續發瘋地挖）

警 察：呢度好危險架！麻煩你企開一面先！呢度等我地處理得架喇！先生！

初 起：安叔！安叔呀！你地應下我啦！老居！樂仔.....（被警員拉走，掙扎著）

初 起：放開我！安叔！老居！樂仔.....（場景轉為黑幕）

第七幕

時：四月二十八日

地：工殤紀念碑

初起在台上發言.附近有一班參與國際工殤紀念日的群眾.

初起：回想當日，國金大廈倒塌咗，幾個負責拆建呢座樓既工人仲壓埋起瓦礫之中.佢地既家人，就係咁企起現場旁邊，喊到眼都紅，睇住消防員離離去去咁清理石頭，警察錄取口供維持秩序;救護員等著急救傷患者，或者.....運送往屍體.仲有勞工署同其他政府部門既官員巡視，同業主以及拆建公司既人商量跟住應該做 d 咩！而果 d 企到腳都酸，彼此攙扶著既母親妻子就繼續喺度等，起人聲同機器揚起既灰塵中繼續注視果一座頹倒既大樓.冇人過去話俾佢地聽應該期盼 d 咩，冇人向佢地報告挖掘既進度同埋工作點解偶爾會停頓;當然，更加冇人去為佢地挑起一把傘，搭一座可以過夜既帳篷，送上一杯熱暖既茶.....

起過去十年，香港既職業傷亡個案有七十萬宗，因工殉職既工友兩千四百幾人.平均每兩日都未夠既時間，就會有一個工人死起工作之上.佢地，呢 d 為工作而死去的，都是 d 咩人呢？只怕大家並唔清楚.反正唔理大家認唔認識佢地既名都好，佢地都與我地同在，而且一直在.起呢度我想大家聽聽一首歌.....紀念起工作意外死去既工人，亦為紀念我幾位工作中死去既好友.....（燈漸暗，音樂起，播放著”勞動者的靈歌”一曲）

此時，在附近某大樓正舉辦落成儀式而放上煙花.....

初起：“咦！做咩果邊咁多人既？”

路人甲：“（對路人乙）喂喂！聽講話特首去左慶祝唔知咩大廈既落成剪裁儀式啲！”

路人乙：“哦！果座國金大廈（國際金融大廈）呀！快 d 去睇啦！”

煙花如工人們的靈魂般又在大樓上升起，而又散落在這個繁華的天空中。

劇終